

God se Kerk.....



Deo Gloria Community Church
Rockingham

Week 2 - Die Woord - Wat is jou fondament



GEHEUEVERS: *2 Timoteus 3:16-17. Die hele Skrif is deur God geïnspireer en het groot waarde om in die waarheid te onderrig, dwaling te bestry, verkeerdhede reg te stel en 'n regte lewenswyse te kweek, 17 sodat die man wat in diens van God staan, volkome voorberei en toegerus sal wees vir elke goeie werk.*

Inleiding tot hierdie week se studie

Timoteus was een van die eerste gelowiges wat uit die tweede geslag Christene gekom het. Hy het nie tot bekering gekom deur die prediking van die apostels nie, maar hy het as Christen grootgeword. Sy ma en sy ouma het hom onderrig.

Paulus herinner Timoteus om te onthou wat hy uit die Heilige Skrif geleer het. Die beste verdediging teen dwaling is om vertrouwd te wees met God se Woord.



Kernwaarheid

Die hele Skrif is deur God gegee en is nuttig tot lering.

DAG 1 – 'n Gees van krag

PERSOONLIKE STUDIE

Lees die volgende Skrifgedeeltes, let op die omstandighede en pas die waarhede op jou lewe toe:



2 Timoteus 1:3-8 en 2 Timoteus 3:14-15

1. Wat sou Timoteus van kleins af geleer het?

2. Op watter maniere maak 'n lafhartige gees homself sigbaar? Hoe kan ons "krag, liefde en selfbeheersing" vertoon?



Gebed

DAG 2 – Wees sterk

PERSOONLIKE STUDIE

Lees die volgende Skrifgedeeltes, let op die omstandighede en pas die waarhede op jou lewe toe:



2 Timoteus 2:1-2 en 2:20-26

1. Wat is party dinge wat jou kan ontmoedig om sterk te wees en vas te staan op God se Woord?

2. 2 Timoteus 2:20-21 verwys na 'n “voorwerpe van besondere gebruik.” Hoe kan jy deur die bestudering van God se Woord “'n voorwerp van besondere gebruik wees?



Gebed

DAG 3 – Heilige Gees Geïnspireer

PERSOONLIKE STUDIE

Lees die volgende Skrifgedeeltes, let op die omstandighede en pas die waarhede op jou lewe toe:



2 Timoteus 3:14-16 en 2 Petrus 1:20-21

1. Wat beteken dit vir jou dat die hele Skrif Heilige Gees geïnspireer is? Sluit dit die Nuwe Testament in?

2. Omdat die hele Skrif deur God geïnspireer is, vra jouself af waarvoor is die Bybel hier?



Gebed

DAG 4 – Die doel van God se Woord

PERSOONLIKE STUDIE

Lees die volgende Skrifgedeeltes, let op die omstandighede en pas die waarhede op jou lewe toe:



2 Timoteus 3:16-17 en Psalm 19:7-9

1. Stel jou voor jy verduidelik verse 16 en 17 aan 'n ongelowige, wat sou jy sê? Watter belangrike Bybelse leringe kan ons uit hierdie verse kry? Watter implikasie het dit vir jou?

2. Wat is die doel van die Skrif volgens 2 Timoteus 3:16-17?



Gebed

DAG 5 – Verkondig die Woord

PERSOONLIKE STUDIE

Lees die volgende Skrifgedeeltes, let op die omstandighede en pas die waarhede op jou lewe toe:



2 Timoteus 4:1-5

1. Watter redes gee Paulus in vers 1 waarom ons die Woord moet verkondig?

2. In 'n wêreld waar die meeste mense verdraagsaamheid verkondig, wat is die basis vir ons om ander tereg te wys of te bestraf? Wanneer moet jy dit doen? En met watter gesindheid?



Gebed



KLEINGROEPBESPREKING



Gebed



Toewyding: (Skandeer QR-kode op volgende bladsy of gaan na ons webwerf by www.deogloriarockingham.com om hierdie week se pitkos te kyk)

Besprekingsvrae

Lees 2 Timoteus 1:3-5. Wie was Timoteus?

Lees 2 Timoteus 3:14-15. Hoe relevant is die Bybel vir jou? Waarom moet jy die moeite doen om dit te lees, wat nog te sê, om die Bybel te bestudeer? Dit is immers 'n baie ou boek. Bespreek.

Lees 2 Timoteus 3:16-17. Bespreek die redes waarom ons volgens Paulus die Bybel moet lees en bestudeer.

Hoe kan ons 2 Timoteus 3:16-17 toepas?

REFLEKSIE

Wanneer jy volgende keer die Woord van God lees en bestudeer, mediteer vir 'n oomblik en dink daaraan dat die ewige, alwetende en liefdevolle God met jou hart en verstand en siel en gees praat. Wees vervul met verwondering oor die Here se vergewensgesinde barmhartigheid en genade.

Sluit in gebed

